



NEWSLETTER BR. 41

JUNI 2018

FIPA AKTIVNOSTI ≡

SADRŽAJ

- » AFTERCARE POSJETA KOMPANIJI NEXE BETON DOO SARAJEVO
- » AMBASADORICA SAD U BIH MAUREEN CORMACK POSJETILA FIPA-U
- » KEMAL KOZARIĆ, NOVOIMENOVANI AMBASADOR U AUSTRIJI POSJETIO FIPA-U
- » FIPA NA SASTANCIMA S KINESKIM INVESTITORIMA
- » FIPA NA 4. INVESTICIONO-TRGOVINSKOM SAMITU KINA 16+1
- » PREDSTAVNICI FIPA-E U POSJETI PROIZVODNOM POGONU KRAUTZ-TEMAX GRUPACIJE U ORAŠJU

FIPA AKTIVNOSTI ≡



AFTERCARE POSJETA KOMPANIJI NEXE BETON D.O.O. SARAJEVO



MINISTAR PRIVREDE TK U POSJETI FIPA-I
-INTENZIVIRATI JAVNO-PRIVATNO PARTNERSTVO ZA STRANE INVESTITORE ≡





AFTERCARE POSJETA KOMPANIJ NEXE BETON D.O.O. SARAJEVO



Predstavnici Agencije za unapređenje stranih investicija u Bosni u Hercegovini (FIPA), Ministarstva privrede Kantona Sarajevo i Općine Centar su posjetili 19. juna 2018. godine kompaniju NEXE BETON doo Sarajevo u okviru rada Suradničke mreže za 2018. godinu.

Kompanija Nexe Beton doo je dio grupacije NEXE GROUP koja u Bosni i Hercegovini egzistira od 2004 godine, a radi se o jednoj od uspješnih hrvatskih investicija. Glavna djelatnost kompanije je proizvodnja građevinskog materijala.

Na sastanku se razgovaralo o poslovnom ambijentu i trenutnim uvjetima poslovanja u građevinskom sektoru. Takođe se razgovaralo i o budućim planovima.

Direktorica kompanije gđa. Sandra Bezdrob je istakla da u narednom periodu imaju planove širenja trenutne poslovne aktivnosti i gradnje novih postrojenja. Sama realizacija investicije će rezultirati i povećanjem trenutnog broja zaposlenih.

Direktorica je na sastanku ukazala na značaj povezanosti privatnog sektora i državnih institucijama u poslovanju jednog privrednog društva i dodala da je upravo realizacija ovog sastanka jedan od koraka koji vodi ka promijeni dosadašnjeg pristupa.



AMBASADORICA SAD U BIH MAUREEN CORMACK POSJETILA FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je 13.06.2018. u sjedištu Agencije s ambasadoricom SAD u BiH NJ.E. Maureen Cormack o ekonomskoj situaciji u BiH s osvrtom na stanje priliva stranih ulaganja, trendu rasta investicija u 2017., dosadašnjim američkim investicijama u BiH, kao i o zajedničkim aktivnostima koje Ambasada SAD-a i FIPA mogu poduzeti sa ciljem većeg priliva ulaganja. Milinić je upoznao ambasadoricu o aktivnostima koje Agencija sprovodi na polju privlačenja stranih investitora, prezentiranja mogućnosti za ulaganje Bosne i Hercegovine, pronalasku novih investitora za BiH, te pružanju podrške investitorima od registracije djelatnosti do okončanja projekta, kao i radu Saradničke mreže za postinvesticionu podršku investitorima.

S obzirom na snažan angažman američke administracija i podršku koju pruža Bosni i Hercegovini dugi niz godina, očekivano je bilo i značajnije prisustvo američkih kompanija u BiH. Ambasadorica Cormack je istaknula važnost daljnjeg unapređenja poslovnog ambijenta u BiH koji bi osigurao zdravu konkurenciju na tržištu i učinio jednostavnijim i transparentnijim sve poslovne procedure. Konstatirano je da snažniji angažman nadležnih institucija BiH uz podršku američkih prijatelja i dijaspore, može dovesti do povećanja broja američkih kompanija u BiH, što bi, pored zapošljavanja, doprinijelo povećanju životnog standarda građana. Ambasada SAD-a i FIPA će razmjenjivati informacije o investicijskim skupovima i konferencijama koje su interesantne s aspekta privlačenja ulaganja u BiH, te nastaviti suradnju u cilju promoviranja investicijskih potencijala BiH.

FIPA je tokom 2018 imala susrete s američkim investitorima koji su iskazali interes za ulaganje na nekoliko lokacija u BiH, pružila im je svu logističku podršku za posjete lokacijama, i sada se očekuje konačna odluka o investiranju.



KEMAL KOZARIĆ, NOVOIMENOVANI AMBASADOR U AUSTRIJI POSJETIO FIPA-U



U okviru priprema za diplomatsku misiju, novoimenovani ambasador BiH u Austriji Kemal Kozarić posjetio je Agenciju za unapređenje stranih investicija BiH (FIPA) kako bi se detaljnije upoznao s radom Agencije na polju privlačenja stranih investitora iz Austrije i dosadašnje realizirane suradnje između ove dvije zemlje.

Direktor FIPA-e Gordan Milinić je pored pruženih osnovnih informacija o nadležnostima i aktivnostima Agencije na sastanku, istakao značaj Austrije na polju direktnih stranih investicija, ističući da se radi o zemlji koja je duži niz godina najveći investitor u BiH sa ukupno investiranih 2,492.6 miliona KM (podaci CB BiH). Od ambasadora se očekuje da nastavi dosadašnju uspješnu suradnju s privrednom komorom Austrije, privrednim udruženjima i ostalim relevantnim institucijama kako bi se nastavio pozitivan trend priliva investicija. Pored toga, potrebno je nastaviti s organiziranjem poslovnih skupova/foruma na kojima će se predstaviti investicione mogućnosti Bosne i Hercegovine s ciljem animiranja austrijskih privrednika i naše dijaspore na investiranje.

Ambasador je istakao značaj FIPA-e i njene podrške za realiziranje definiranih prioriteta u njegovom budućem radu, ističući da se zajedničkim radom može doprinijeti boljem imidžu naše zemlje.



FIPA NA SASTANCIMA S KINESKIM INVESTITORIMA



Direktor Agencije za unapređenje stranih investicija (FIPA) Gordan Milinić je na sastanku sa zamjenikom direktora Komisije za privredu i investicije grada Ningbo Xu Jianhuaom i direktorom sektora za prekogranična ulaganja Ningbo Pan Yingmingom razgovarao o budućoj suradnji i aktivnostima koje bi dovele do unapređenja privredne suradnje dvije zemlje.

Ningbo, jedan od najstarijih gradova u Kini, kao i jedna od najvećih svjetskih luka, ima oko 170.000 privatnih kompanija, od kojih su 21 na listi 500 vodećih privatnih preduzeća u Kini. Proglašen je za jedno od najatraktivnijih odredišta za ulaganja u Kini, a među vodećim je i po broju industrijskih i bescarinskih zona. Predstavnicima grada Ningbo su za predstavnike FIPA-e organizirali i niz sastanaka sa najvećim kompanijama, kojima su predstavljeni projekti iz energetskog sektora, transportne infrastrukture, ICT-a, kao i prerade drveta i proizvodnje hrane. Neke od kompanija su pokazale poseban interes za određene projekte, te je dogovoren njihov skori dolazak u BiH kako bi razgovarali sa vlasnicima projekata i relevantnim institucijama. FIPA će kao i do sada pružiti podršku potencijalnim investitorima, informišući ih o svim aspektima poslovnog ambijenta, analizama sektora i organizacije sastanaka i posjeta investicionim lokacijama.

Direktor FIPA-e je također bio počasni gost 5. Konferencije o investicijama i suradnji privrednih komora Kine i zemalja centralne i istočne Europe i 1. Samita federacije privrednih komora i privrednika Ningbo i zemalja centralne i istočne Europe u sklopu inicijative "Jedan pojas, jedan put".

U toku svih događaja organiziranih u sklopu Samita trgovine i investicija Ningbo 2018, predstavljena je Bosna i Hercegovina i njeni potencijali, te je zaključno da je neophodno intenzivirati promociju zemlje, proizvoda koje bi mogli izvoziti, kao i projekata interesantnih za ulaganje.



FIPA NA 4. INVESTICIONO-TRGOVINSKOM SAMITU KINA 16+1



U okviru posjete sajmu investicija i trgovine od 6. do 10. juna u Ningbou u Kini, delegacija FIPA-e predvođena direktorom Gordanom Milinićem učestvovala je na 4. Investicionom sastanku Kine i zemalja centralne i istočne Evrope. U plenarnom dijelu konferencije "Road Shows and Release Conferences of Investment Proposals", FIPA je održala prezentaciju o prednostima poslovnog ambijenta BiH za strane investitore, te je predstavljeno nekoliko najvećih i najatraktivnijih projekata iz sektora energetike, infrastrukture, transporta, turizma i metalo-prerade.

Pored predstavljenih projekata tokom prezentacije, FIPA je pripremila ukupno stotinu projekata za direktne sastanke sa kineskim investitorima, kako iz navedenih sektora, tako i iz IT sektora, zdravstva, auto industrije, te proizvodnje hrane.

Osim delegacije iz Bosne i Hercegovine, na konferenciji su učestvovala delegacije Hrvatske, Makedonije, Srbije, Slovenije, Latvije, Litvanije, Estonije, Bugarske, Rumunije, Poljske, Češke, Slovačke, Mađarske, Albanije i Kine. Također, predstavnici FIPA-e su u okviru navedenih manifestacija održali veliki broj direktnih sastanaka sa zainteresiranim kineskim kompanijama koje su pokazale interes za obnovljive izvore energije (posebno solarne parkove), IT i Business Process usluge, transport i infrastrukturu, te zdravstveni i spa turizam, s obzirom na ukidanje viza za sve vrste pasoša između Kine i BiH.

Svi ovi događaji predstavljaju odličnu priliku za uspostavljanje čvršće suradnje sa Kinom i povećanje ulaganja kineskih investitora, posebno uzimajući u obzir ekonomski i privredni razvoj Kine.

Bh. delegacija je također posjetila paviljon u kojem kompanije iz Bosne i Hercegovine izlažu svoje proizvode.



FIPA-A U POSJETI PROIZVODNOM POGONU KRAUTZ-TEMAX GRUPACIJE U ORAŠJU



U sklopu Aftercare projekta 2018, predstavnici FIPA-e posjetili su proizvodne pogone Grupacije Krautz-Temax u Orašju, gdje se od 2015. godine, na preko 8.500 kvadratnih metara proizvode različiti tipovi zaštitnih folija i ekspaniranog polistirena. Razgovaralo se o preprekama koje strani investitori imaju prilikom ulaganja u Bosnu i Hercegovinu, ali i o benefitima koje ovakve investicije imaju po lokalnu zajednicu. Grupacija trenutno zapošljava preko 60 osoba u Orašju, a planirano je i proširanje proizvodnih kapaciteta. Naime, uskoro se kreće sa izgradnjom novog proizvodnog pogona, na preko 20.000 kvadratnih metara već kupljenog zemljišta. Realizacijom ove investicije, proizvodni kapaciteti u Orašju utrostručit će se, te će biti kreiran veliki broj novih radnih mjesta.

Sve donedavno, kompletna proizvodnja u Orašju bila je namijenjena isključivo kupcima na europskom, azijskom i američkom tržištu. Pokretanjem kompanije Blue Trade d.o.o., kompletni proizvodni asortiman od sada će biti dostupan i kupcima na regionalnom tržištu.

Pored toga, u okviru grupacije posluje i Nita Trans d.o.o, firma kćerka, zadužena za logistiku i transport. Kroz plasiranje novih investicija, uskoro se kreće i sa proizvodnjom ekstrudiranog polistirena, što će biti značajna novost za tržište ovog materijala u BiH, obzirom da se ovaj materijal do sada u potpunosti uvozio. Osim toga, do početka naredne godine planirano je i pokretanje punionice prirodne izvorske vode. Riječ je primjeru uspješne strane investicije, a planiranim proširenjem proizvodnje radi se na kreiranju novih radnih mjesta, razvoju lokalne zajednice, te sprječavanju odlaska mladih i kvalifikovanih kadrova sa naših prostora. Mladi na ovaj način dobijaju priliku da rade za renomiranu stranu kompaniju, u najsavremenijim proizvodnim kapacitetima. Obzirom na dugoročnu prirodu, te visinu investicije, FIPA i KRAUTZ-TEMAX grupacija planiraju proširenje međusobnu suradnje u budućnosti, te nastavak rada na promociji stranih ulaganja u BiH.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA